



partii naleraq

Nuuk 19. november 2018
UKA2018/170
Hans Enoksen Partii Naleraq

Inuusuttut inissiat pillugit nassuiaammik Naalackersuisut kingusinnerpaamik UKA2019-imi saqqummiussinissaat pillugu Inatsisartuni aalajangiiffigisassatut siunnersuut. Nassuiaammi inissianik sanaartornermi maanna suliniutaareersut sakkussallu tassunga attuumassuteqartut, soorlu ineqarnermut tapiissutinik nalilersuinermit imaqarlunilu maanna ingerlanneqartunit pisariaqartitsineq naammassineqarsinnaanngippat suliniutinut tapiliussassanut kaammattuutinik imaqassaaq

(Inatsisartuni ilaasortaq, Mimi Karlsen, Inuit Ataqatigiit)

Inatsisartunut ilaasortaq Mimi Karlsen Inuit Ataqatigiit., siunnersuuteqarpoq tassalu Inuusuttunut inissiat pillugit nassuiaammik Naalackersuisut saqqummiusseqqullugit siunnersuuteqassat tamanna oqaaseqarfigissavarput.

Nunatsinni inissaqarniarnikkut atukkagut assigiinneqqaat pingaartumik illoqarfiit nunaqarfiillu eqqarsaatigalugit, taakkuinnaanngillat aamma nunatsinni suliffeqarniarnermi ineqarnermi atugassarititagut assigiinneqqaat, avataaniit suliarortunut tamanut inissqartitsivugut, kisiannili namminneq nunatta iluani suliarortuinnartunut atugassarititaasut allanerujussuusarput, amerlasuullu ilaatigut inissaqarnissaannik neqeroorfigineqarneq ajorlutik, pingaartumik atorfiit nunaqavissunik inuttaligassat eqqarsaatigalugit.

Nunatsinni inuusaaserput aallaanerulissappat taava aamma ineqarniarnikkut atugassarititaasut pitsaanerulersinniartariaqarpagut, nalunngilarpummi toqqissinartumik angerlarsimaffeqarutta taava avatangiisitsinnut aamma akuunerput pitsaanerulissasoq, assersuutigalugu ilinniagarnissamut suliffittarnissamullu periarfissat pitsaanerujussuannortussaammata, tamaatumik sukkanerusumik inissialiornissanut piumassuseqarnerusariaqarpugut.

Nunatsinni inissaqarniarnikkut ajornartorsiutit tamatta ilisimasatsit annertoqisut ilisimavagut pingaartumik inuusuttortagut eqqarsaatigalugit.

Taakkuinnaanngillat illoqarfinni tamani, ajoraluartumik innuttaasut angerlarsimaffeqanngitsut amerlanerpaat inuusuttut malunnarsiartuinnarput, tamannalu ajorpoq. Tassunilu takusinnaavarput inuttut ineriartornermi inuttutllu attukkatsigut naligiinnginnerup ersarissiarortnera, allaat ilagut inissaqartinnagit inuulersimalluta.

Inuppasuit angerlarsimafferussimapput, uagutsinnut aallaaviginata aasiit aqqissuussinikuugatta, ineqarnerput suliffeqarfinnut iluanaarniutissatut inissikkuuarpud, tassalu isumaqartuannarluta A/S-it ingerlatsinerat silarsuaallu kisiat maani innuttaasut annaffissarigippud. Uffalu taakkusut namminneq iluarnissartik annerpaamik kisiat suliariniarsarigaat.

Ineqarnermut akit qaffakkiartuinnarput, tamannalu atuisut inuuniarnikkut ilungersunartorsioriartuinnarnerannik kinguneqarpoq, piviusorlu imaalerluni amerlasuut inigisaminniik anisinneqartalerlutik, tamannalu pimoorullugu millisarnianngikutsigu inuttut ajornartorsiutit sulii annertusiartuinnartussaapput, taamatullu ineriartornerput pilerinanngilluinnarpoq ilagummi ajattuinnarsinnaanngilagut.

Ullutsinnut naleqquttunik sukkanerusumik inissialiorsinnaanerit aammalu akiminnut naleqquttunik sanaartornissaq sukkanerulersittariaqarparput, isorliunerusuni inuusuttorpasuit inissaqaratik inisimasuinnaallutik meeqqiorput. Ilaqutariinnut tamanut meeqqiornermi atugassarititaasut pitsaanerulernissaat sulissutigisariaqarparput, inuusuttortagut initaarsinnaanngorlugit ilaqutariittullu ineriartornissaannut ikiorlugit.

Siunnersuut Naalakkersuisunit itigartinneqassasoq oqaatigineqarpoq, soorunami tusaannarlugu pakatsinarpoq taamatut siunnerfeqarmata, tassami periarfissaqaralarpoq allannguutissamik siunnersuuteqarsinnaallutik pingaartumik taamak inissaqarniarnikkut ajornartorsiutit annertutigisut.

Nalunngilarput ajornartorsiut annertummat, tamattalu ilisimavarput nutaanik inuusuttunut inissialiornissamik nalunaarusiornissaq atunngikkaluarlugu aallartissinnaasugut isumaqatigiissutiginiartigu, tamaattumik inatsisartunut kaammattuutiginiarparput ataatsimiititaliami suliarineqarnissaa akuersaassagipput.

Inuusuttut inissaaleqisut atugaasa pitsaanerulernissaat anguniarlugu ataatsimut isumaqatigiitta inissialiornissallu aallartillugit.